

來鳳縣志卷之七

政績志

牧民之道惟在利民奇績異政不可為常故有
裨民生可銘竹帛而實心實事流播民間者是
必立為傳紀以垂永久來邑新闢承乏無幾爰
考前令之政行至今鑿鑿可據者作政績志

來鳳縣志書

政績

三

太康張公傳贊

張冲字卑牧河南陳州府太康縣人雍正癸丑
成進士初授公安調任施南府來鳳縣秉性醇
厚多行惠政附郭西南一帶膏田以數頃計皆
公導濬水源設甬道滋灌溉至今來邑童叟一
舉箸即頌公德常課農桑至鄉民鷄黍以進公
即受食官民相忘每以閭閻淺近之語教尊君
親上之義嗷嗷者咸歡欣樂依不忍去取民之

秀者入邑術朝夕課訓寒暑不輟文教肇興他
如均勞逸輕賦徭平允雀角一仁恩之積厚而
流焉者也後以公安事量移去民遮道攀轅泣
數行下忽忽若有所失羣謀請從祀外建宇肖
像卒未果贊曰

夫治民之與愛民有間矣當苗疆新闢初服政
教是宜以愛為治第行小惠說桎梏驅虞一時
過則忘焉公于荒烟蔓草中易而為原隰衍沃

來鳳縣志書

政績

三

民樂其利十世百世矣孔子謂公孫僑為古之
遺愛僑以治為愛公以愛為愛時移勢異殊途
同歸僑也公也均之愛民者也治也愛也均之
為政者也迭用柔剛與時偕行是有望于後之
牧民者